
Saknr: 2020/1928-10
Saksbehandlar: Dagmar Reutz Hillestad

Saksgang

Utval	Utv.saknr.	Møtedato
Fylkeseldrerådet		28.01.2020

Fylkeseldrerådet - deltaking i KS sitt nettverk for aldersvennlege samfunn

Forslag til vedtak

Saka vert lagt fram utan tilråding for drøfting.

Samandrag

KS er kommunesektoren sin organisasjon og utviklingspartner. KS har fått i oppdrag å koordinera eit nasjonalt nettverk om aldersvennlege lokalsamfunn. Dette nettverket har også samarbeid med Nettverket for Universell utforming.

Hordaland fylkeskommune har ikkje delteke i nettverket, men frå Sogn og Fjordane fylkeskommune har tre representantar delteke - eldrerådet sin leiar, rådgjevar/sekretær for eldrerådet og ein representant frå planstaben i fylkeskommunen.

Fylkeseldrerådet i Vestland ser det som særskilt viktig at deltaking i KS sine nettverk for eit aldersvennleg samfunn og universell utforming vert vidareført i Vestland fylkeskommune.

Bertil Søfteland
seksjonssjef

Dagmar Reutz Hillestad
utvalssekretær

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Aldersvennlege lokalsamfunn handlar om å gjera samfunnet i stand til å møte utfordringane og moglegheitene knytta til ein aldrande folkesetnad. Fleire sektorar må involverast og medverknad må vera i fokus. For at eldre skal kunne vera aktive, delta i samfunnet, bidra og unngå einsemd og isolasjon, må vi ha ei meir heilskapleg og tverrsektoriell tilnærming.

Det handlar om at vi skal kunne bu heime lengst mogleg, kunne opphalda oss i nærmiljøet, ha aktivitetar vi har lyst til å delta på - og at det er mogleg å koma seg dit.

KS som er kommunesektoren sin organisasjon og utviklingspartner, har fått i oppdrag å koordinera eit nasjonalt nettverk om aldersvennlege lokalsamfunn.

Det har vore arrangert fire samlingar rundt om i landet hausten 2019, og det vil vidare bli arrangert fagsamlingar våren 2020 på desse 5 innsatsområda:

- Universell utforming/utandørsområder og fysisk aktivitet
- Bustad
- Transport
- Samfunnsdeltaking
- Medverknad og kommunikasjon

To av fagsamlinga vert organisert i samband med fellessamlingen i Oslo 4. mars. Der er tema, «Samfunnsdeltagelse» og «Kommunikasjon og medvirkning».

På denne samlingen vil ein gi ei oppsummering av det ein har lært og fått innspel om så langt, samt skissera kva verktøy ein no er iferd med å utvikla. KS har invitert [aldersvennlige Irland på besøk](#). Irland er det første landet i verden som har vorte anerkjent som eit aldersvennleg land. Det er viktig at ein kan lære og få inspirasjon om korleis dei har vorte eit aldersvennleg land.

Fleire kommunar vil bidra. Det er viktig å auka forståing og dela kunnskap rundt korleis ein arbeider med aldersvennleg utvikling inn i planar, strategiar og prosessar.

I samarbeid med Nettverket for Universell utforming vil KS organisera fagsamling og synfaring i Stavanger 31.mars. Her vil ein ha fokus på universell utforming, utandørsområder og kommuneplanar. Det vil også bli arrangert fagsamlingar for bustad og transport.

Hordaland fylkeskommune har ikkje delteke i dette nettverket. Frå Sogn og Fjordane fylkeskommune har følgjande delteke:

- Harald Ekroll, leiar i fylkesråd for eldre i Sogn og Fjordane
- Åge Avedal, sekretær i fylkesråd for eldre / rådgjevar næring- og kulturavdelinga i Sogn og Fjordane fylkeskommune
- Ragnhild Berge Feidje frå planstaben i fylkeskommunen

Vurderingar og verknader

Økonomi: Ikkje relevant

Klima: Ikkje relevant

Folkehelse: Ikkje relevant

Regional planstrategi: Ikkje relevant

Konklusjon

Fylkeseldrerådet i Vestland ser det som særskilt viktig at deltaking i KS sine nettverk for eit aldersvennleg samfunn og universell utforming vert vidareført i Vestland fylkeskommune. Ved å involvera fleire sektorar og eldre i endå større utstrekning, kan ein få betre oversikt over både utfordringar og moglegheiter ein står overfor om vi skal kunne utvikla meir aldersvennlege samfunn. Plan, klima og folkehelse må vera ein viktig samarbeidspartnar for fylkeseldrerådet i det vidare arbeidet. Fylkeseldreråda har saman med fylkesmennene også fått tildelt ein viktig rolle gjennom samarbeidsavtalen med regjeringa om «Leve hele livet».